



# WEKA SAUTI YAKO KWENYE WITO

## UJIFUNZAJI WA BIBLIA WITO WA LAMBETH - UANAFUNZI UTANGULIZI

Nyenko hizi za Kujifunza Biblia zimeandaliwa kama sehemu ya Awamu ya 3 ya Lambeth Conference na Miito ya Lambeth. Ujifunzaji huu wa Biblia unahusu Wito wa Lambeth kuhusu Uanafunzi. Unaweza kuosoma Wito wa Lambeth kuhusu uanafunzi hapa [LINK].

### JINSI YA KUTUMIA SOMO HILI

#### 'Wito na Mwitikio' – Muundo wa Kujifunza Biblia

Kila moja kati ya Miito ya Lambeth hutolewa kwa Ushirika wa Anglikana – ikihitaji mwitikio. Ujifunzaji wa Biblia upo katika muundo wa 'Wito na Mwitikio'. **Ujifunzaji huu wa Biblia kuhusu uanafunzi utakupitisha katika hatua tatu:**

#### 1 - Sikiza Wito

Kuchunguza pamoja ujumbe mkuu wa Wito huu – 'kujifunza na kujifunza tena namna ya upendo, ukombozi na maisha ya kujitoa mhanga ya Yesu Kristo' - na kuundwa na Alama Tano za Utume kama Kanuni ya Maisha.

#### 2 - Sikiliza Maandiko

Soma na utafakari vifungu vitatu vya Biblia, kuanzia wito wa kwanza wa wanafunzi (Yohana 1:35-42) hadi utume wao mkuu (Mathayo 28:16-20) ikiwa ni pamoja na kuendelea kutia moyo (2 Timotheo 2.1). Muulize Mungu jinsi maneno haya yanavyoweza kukuongoza kuitikia upya wito wa Yesu katika maisha yako.

#### 3. Onyesha Mwitikio

Jitahidi kufanya kile unachoweza kufanya 'kujifunza na kujifunza tena namna ya upendo, ukombozi na maisha ya kujitoa mhanga ya Yesu Kristo' na ujenge mazoea ya Kutangaza, Kufundisha, Kuhudumia, Kubadili na Kuthamini.

## ANZA

### 1. Sikia Wito (dakika 20)

**Soma** Wito wa Lambeth kuhusu Uanafunzi [KIUNGO HAPA]

**Tazama** video fupi ya rekodi ya mafunzo kwa njia ya mtandao (Webinar) kuhusa mada ya Uanafunzi ili upate muktadha.

### Gundua kwamba:

- Wito wa Lambeth kuhusu uanafunzi unawaalika Waanglikana "Wajifunze na Kujifunza tena" maisha ya kujitoa mhanga ya Yesu katika kila nyanja ya maisha yetu.
- Wito wa Lambeth pia unawaalika Waanglikana waelewe Alama Tano za Utume wa Ushirika wa Anglikana kama Kanuni ya Maisha – kama mazoea ya kuwa nayo katika maisha yetu ya kiroho:

### Alama Tano za Utume ni:

- 1 Tangaza: Kutangaza Habari Njema ya Ufalme wa Mungu
- 2 Fundisha: Kufundisha, kubatiza na kulea waumini wapya
- 3 Hudumia: Kushughulikia mahitaji ya binadamu kwa huduma ya upendo
- 4 Badilisha: Kubadili mifumo ya kijamii isiyo ya haki, kupinga vurugu za kila aina na kutafuta amani na maridhiano;

5 Thamini: Kujitahidi kuuhifadhi ukamilifu wa uumbaji na kutunza na kufanya upya maisha ya dunia;

## 2. Sikiliza Maandiko (dakika 20)

**Someni** na mtafakari kwa pamoja juu ya maandiko matatu yafuatayo:

**Yohana 1: 35-42 : Wito wa wanafunzi, kuja mwanzoni mwa huduma ya Yesu na kuweka msingi kwa yote yaliyo mbele.**

Tena kesho yake Yohana alikuwa amesimama pamoja na wawili katika wanafunzi wake.<sup>36</sup> Akamtazama Yesu akitembea, akasema, Tazama, Mwana-kondoo wa Mungu!<sup>37</sup> Wale wanafunzi wawili wakamsikia akinena, wakamfuata Yesu. , " <sup>38</sup> Yesu aligeuka, akawaona wakimfuata, akawaambia, Mnatafuta nini? Wakamwambia, Rabi, (maana yake, Mwalimu), unakaa wapi? " <sup>39</sup> Akawaambia, Njoni nanyi mtaona. Wakaenda, wakaona akaapo, wakakaa kwake siku ile. Nayo ilikuwa yapata saa kumi. <sup>40</sup> Andrea, nduguye Simoni Petro, alikuwa mmoja wa wale wawili waliomsikia Yohana na kumfuata Yesu. <sup>41</sup> Huyo akamwona kwanza Simoni, ndugu yake mwenyewe, akamwambia, Tumemwona Masihi (maana yake, Kristo). <sup>42</sup> Akampeleka kwa Yesu. Naye Yesu akamtazama, akasema, Wewe u Simoni, mwana wa Yohana; nawe utaitwa Kefa (tafsiri yake Petro, au Jiwe).

**Mathayo 28: 16-20: Utume Mkuu mwishoni mwa huduma ya Yesu duniani na kuzindua kinachofuata, kueneza injili duniani kote.**

Na wale wanafunzi kumi na mmoja wakaenda Galilaya hadi katika mlima ule aliowaagiza Yesu.<sup>17</sup> Nao walipomwona, walimsujidua; lakini baadhi yao walikuwa na mashaka. <sup>18</sup> Yesu akaja kwao, akasema nao, akawaambia, Nimepewa mamlaka yote mbinguni na duniani. <sup>19</sup> Basi, nendeni, mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu; <sup>20</sup> na kuwafundisha kuyashika yote niliyowaamuru ninyi; na tazama, mimi nipo pamoja nanyi siku zote, hata ukamilifu wa dahari.'

**2 Timotheo 2.1: Neno la kutia moyo kama Paulo anavyolea uanafunzi wa Timotheo, kujifunza na kujifunza tena licha ya changamoto.**

"Basi wewe, mwanangu, uwe hodari katika neema iliyo katika Kristo Yesu.

### **Maswali ya kujadili**

- Je, maandiko haya yanazungumziaje uanafunzi katika hali na muktadha wako wa sasa?
- Je, baadhi ya Alama za Utume unazielewaa kwa urahisi zaidi kuliko zingine?
- Ni nini kinachokuburudisha katika kuishi na kujifunza (tena) kama mwanzoni wa Kristo?

### **3. Onyesha Mwitikio (dakika 20)**

Fikiria jinsi unavyoweza kuitikia Wito huu wa uanafunzi, achilia mbali kukuza Alama Tano za Utume kama kanuni ya maisha.

**Hapa kuna mawazo machache:**

- Andika sala rahisi ili uwe unaisema mara kwa mara.
- Tambua eneo la uanafunzi ambapo unatamani ‘kujifunza tena’ na uweke mpango.
- Unda utaratibu wa kujihusisha na Alama za Utume kama kanuni ya maisha (kwa mfano, kuweka moja kwa kila siku ya wiki au wiki ya mwezi).
- Jihusishe na mradi wa mahali ulipo ambapo utaweka katika vitendo alama moja au mbili.
- Saidia jamii yako ya kanisa ili kudumisha kanuni hii ya maisha kiwe kitu cha kushiriki pamoja.

### **Ombi la Kuhitimisha**

Yesu Kristo,  
umetuita na kutuagiza  
kutangaza Habari Njema ya Ufalme Wako  
kuwafundisha na kuwalea Wakristo wengine,  
kuwashudumia wale wenye uhitaji,  
kubadilisha jamii  
na kuthamini viumbe wako.  
Tusaidie tupate nguvu kwa neema uliyotupa.  
ili wito huu uweze kuwa kanuni ya maisha  
na tuweze kuwa na mazoea ya kufanya mambo haya yote  
siku kwa siku na mwaka kwa mwaka.  
Amina.

### **Nyenzo Nyinginezo**

Tembelea tovuti ya Lambeth Conference au angalia Karatasi ya Habari kuhusu nyenzo na mawazo yanayoambatana na somo hili la Biblia, kwa maoni na mapendekezo zaidi.

### **Simulia Hadithi Yako – Ujumbe kutoka kwa Askofu Jo**

Katika kila awamu ya Safari, unaalikwa kushiriki jinsi Wito wa Lambeth ulivyo kwako katika muktadha wako. Unaweza kuchagua kushiriki sala, picha, ushuhuda mfupi au hadithi, maelezo kuhusu kuhusu moja ya miradi yako.

Tafadhali shiriki kupitia tovuti yetu:

<https://www.lambethconference.org/phase-3/share-your-story/>

Au wasiliana nasi kupitia mitandao ya kijamii:

Facebook: /LambethConference

Instagram: /LambethConference

Twitter: @LambethConf

Au barua pepe Askofu Jo Bailey Wells:

[ShareYourStory@lambethconference.org](mailto:ShareYourStory@lambethconference.org)

